



Broj: 07-19-1720/26
Sarajevo, 10.06.2026. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
Sekretar Skupštine Kantona Sarajevo

Predmet: Odgovor na zastupničku inicijativu zastupnice Sebije Izetbegović,
upućenu Skupštini Kantona Sarajevo dana 15.05.2026. godine

Veza: Vaš akt broj: 01-04-644-44/26 od 19.05.2026. godine

Dana 22.05.2026. godine, Zavod za planiranje razvoja Kantona Sarajevo (u daljnjem tekstu: Zavod) je zaprimio vaš akt broj: 01-04-644-44/26, kojim dostavljate zastupničku inicijativu zastupnice Sebije Izetbegović, upućenu predsjedavajućem Skupštine Kantona Sarajevo dana 15.05.2026. godine. Zastupničkom inicijativom se predlaže da Ministarstvo prostornog uređenja, Ministarstvo komunalne privrede, Zavod za planiranje razvoja Kantona Sarajevo i Kantonalni zavod za zaštitu kulturno-historijskog i prirodnog naslijeđa Sarajevo, hitno pokretnu aktivnosti na izradi i uspostavljanju registra svih fasada u užem gradskom jezgru Sarajeva koje predstavljaju kulturno-historijsko i arhitektonsko naslijeđe grada Sarajeva.

Postupajući po zastupničkoj inicijativi, ovim putem ističemo da je inicijativa za uspostavljanje registra fasada od kulturno-historijskog značaja, kao i izradu plana hitne sanacije u užem gradskom jezgru Sarajeva, izuzetno značajna i opravdana, te Zavod u potpunosti podržava ovakva nastojanja. Kulturno historijsko naslijeđe, bilo da se posmatra kroz brojne pojedinačne građevine ili kao sastavni dio graditeljskih cjelina, predstavlja izuzetnu vrijednost zbog svojih historijskih, dokumentarnih, identitetskih, umjetničkih i drugih karakteristika. Njegovo očuvanje od posebnog je značaja i sa ekonomskog aspekta, imajući u vidu da upravo kulturno naslijeđe predstavlja bazu turističke privrede, čiji je razvoj jedno od osnovnih opredjeljenja Kantona Sarajevo.

S tim u vezi, ukazujemo da je Kantonalni zavod za zaštitu kulturno-historijskog i prirodnog naslijeđa Sarajevo prevashodno nadležan za inventarizaciju, sistematizaciju, valorizaciju vrijednosti kao i procjenu boniteta građevina kulturno-historijskog značaja. Potrebno je imati u vidu i da značajan broj objekata od posebne vrijednosti uživa status nacionalnog spomenika, zbog čega bi u aktivnosti uspostavljanja predmetnog registra, kao i definisanja prioriteta i mjera sanacije, bilo svrsishodno uključiti i Komisiju za očuvanje nacionalnih spomenika Bosne i Hercegovine, u cilju osiguranja sveobuhvatnog pristupa zaštiti i očuvanju kulturno-historijskog naslijeđa.

Dostaviti:

- naslovu
- Sekretar Vlade Kantona Sarajevo
- a/a

Direktor
Faruk Muharemović, Mr.dipl.ing.arh.